

Nekoliko desetina važnijih događaja od kojih neki imaju izgledne šanse da ostave dublje korjene i zapamćene tragove u kladuškoj recentnoj povijesti. Da li i kakve će stvarne i supsticijalne tragove u povijesti Kladuše ostaviti navedeni događaji „sličice“, vrijeme će brzo prosuditi? Među „sličice“ navedenih pretenzija koje su obilježile minulu godinu ubrajam svakako: javne rasprave o Budžetu za 2017. i 2018. godinu i nastavak nepravednog raspolaganja općim financijama, *Program osnova politike* i *Program rada načelnika 2017-2020.* od marta 2017. godine, nastavak lažnih obećanja oko dovršetka objekta Centra za kulturu, izgradnja azila za pse lutilice, dovršetak urbanizacije (ovdje leže naši i vaši) mikrolokacije Stare džamije Zagrad (1879.), Kladuško ljeto i Kladušku zimu, temeljita rekonstrukcija dijela ulice (oko 300 m) Zuhdija Žalić, pojava novog udruženja „Kladuša je naša“ i „Sutra je novi dan“, Projekat CEB II sa 20 stambenih jedinica, osvjetljenje Gradskog parka, dovršetak uređenja dvorišta Osnovne škole koja je pod čudnim okolnostima promijenila ime (među najmlađim narodnim herojima je i Kladuščanin **Ibrahim Mržljak** 1924.-1944.), novčani poticaji poljoprivredi, promjene vlasništva nad Hipermarketom u Polju (Robot zamjenio BF), promjenu vlasništva nad industrijskom lokacijom Poljice (*Miral* za oko 950 hiljada KM kupio oko 5 hiljada kvadrata dobrog građevinskog prostora i oko 20 dunuma zemljišta), izbori za članove savjeta mjesnih zajednica, Pismo namjere OV Vojnić oko spomen obilježja povodom 20-godišnjice okončanja izbjegličke krize, diverzifikacija i dinamiziranje djelatnosti u okviru *Komunalija* (proizvodnja četki u Vidovskoj, poljoprivredna

apoteka), raznovrsne izložbe među kojima posebno „Muzej Allahovog poslanika“, dva kongresa političkih stanaka, dovršetak rekonstrukcije Gradskog



stadiona (tokom 2015.-2017. uloženo oko 75 hiljada privatnog novca), značajniji linčevi medija, dovršenje *Elaborata o izgradnji Islamskog kulturnog centra*, brojna poboljšanja na području infrastrukture, radovi na izgradnji kolektora i kanalizacije (projekat decenije), skupštine dioničara *Sanitek*sa i *Agrokomerca*, zakazana za decembar 2017. dva (pred)stečajna ročišta (*Agrokomerc* i *Kladušnica*) pa prolongirana za 2018. godinu, ažuriranje registra javne imovine, prezentacija rezultata istraživačkog projekta „Kultura sjećanja i zaborava...“ (23.12.2017.), krajnje nepovoljna meteorološka situacija, pogoršanje prometne komunikacije sa EU (sve duža i nepodnošljiva čekanja na graničnom prijelazu), izložba mladih umjetnika Kladuše (“Kome sutra”) u prostorijama Starog hotela, preko 800 osvojenih medalja kladuških karatista, extra salon namještaja u Polju, novo ime dijela Gradskog parka. Početkom decembra (07.12.2017.) u organizaciji „*Krajiška pčela*“

održan je neobično poučan skup o unapređenju poljoprivrede sa gostovanjem osnivača zadruge iz Olova. U subotu 30.12.2017. godine u naselju Kudići u

krugu škole poslije trogodišnjih aktivnosti pred oko 150 uzvanika otkriveno je prvo zajedničko Spomen obilježje svim stradalim mještanima (22) tokom 1992/95. Potrebna sredstva (14.117 KM) doniralo je 127 građana (od čega 101 mještanin). Šteta što ovom događaju nije prisustvovalo više zvaničnih delegacija relevantnih čimbenika kladuške društvene scene!? Početak definitivnog uređenja okoliša Sportske dvorane i ulična rasvjeta uz riječicu Grabarsku, te niz poboljšanja pješačkih površina u Varošici, uključivo i namjeru Biciklističkog kluba da obnovi staru zapuštenu trasu uz padine Starog grada. Nešto publikacija, par vrijednijih knjiga i dokumenata! Polovinom 2017. izvršeno temeljito „preslagivanje“ struktura Udruženja preduzetnika, a novoimenovani predsjednik, **Ibrahim Đedović** (1961.), putem Radija Velika Kladuša najavio ambiciozne „poduhvate“!

Opće rašireno zapažanje većine Kladuščana u 2017. je da njihova zapuštena

Čaršija počinje dobivati sjajnije lice.

Ulice, parkovi, trotoari, prostori oko kontejnera za smeće, a posebno prihvatljiva dekoracija pred novogodišnje praznike mogu se prijatno osjetiti na licima prolaznika. Mnogi su se zapitali: otkud sad ovo, gdje su pronađene marke za ove poslove kad nisu povećane takse, komunalni kod? Još samo da započne uljepšavanje, bar bliže okoline koja je zbilja grozna. Da li će se i kada nove postavke vlasti obračunati sa divljim depozitima od kojih su mnoge uz „vrata Bosne“ (Hukića brdo, otvorena kanalizacija pored „zaobilaznice“ u Drmeljevu, uz cestu prema graničnom prijelazu Pašin potok...)?

Više nego očito je da aktuelno Općinsko vijeće i Abdićeva administracija generira socijalne nepravde i daljne polarizacije kladuškog društva! *Laburistička stranka* uz (ne)svjesnu asistenciju opozicije više promoviše kulturu zavađenja na uštrb kulture dijaloga i koncenzusa.

Ružni i štetni događaji u Velikoj Kladuši u 2017.

Nevidljive i škodljive, ali dovoljno primjetne višegodišnje situacije su fluidna kretanja višedecenijskih polarizacija koje vuku korjene iz Bratorata 1993/95, licemjerstvo prema dijaspori, nastavak potihе diskriminacije sa više strana, prakticanje primitivizma sa ozbiljnim deficitima kulture dijaloga, tiho bujanje sitne korupcije i kriminala, pogoršanje uvijeta privređivanja u poljoprivredi i realnom sektoru, ekspanzija čudne društveno političke svijesti širenjem idolopoklonstva kojeg promoviše politička stranka sa većinskom dominacijom na društvenoj



Velika suša 2017. je prepolovila prinose poljoprivrednika